

Fongv Mingh Wuov Ndaangc taux Baengh Fim Zipv Zoux Liangx-ndeic Ndaou yiem California

## California Baengh Fim Yiem Zipv Zoux Liangx-ndeic Ndaou Lorz Za'eix Zorc nyei Guanbun daaih nyei waac-dengv

Ginv daaih nyei waac-dengv weic tengx gong caux za'eix

### Mangc Cou

California buangh jienv maiv baengh fim taux zipv zoux liangx-ndeic nyei ndaou dongh oix qiemx zuqc liuc leiz siepv. Duqv ziex ziepc nin-zingh, maaih zoux liangx-ndeic mienh caux Meiv Guoqv Buonv-deic Fingx goux longx ndaou mienh camv nyei zuqc laanh jienv taux maaiz caux siou zoux liangx-ndeic nyei ndaou weic zuqc ninh mbuo nyei setv zeiv, mienh fingx, m'jangc a'fai m'sieqv, haaix nzaangh mienh, caux maaih bieqc deic-bung nyei sou fai, caux maaih ziex nyungc.<sup>1</sup> Ih zanc hnoi, weic maiv baengh fim yiem duqv zipv zoux liangx-ndeic nyei ndaou se la'nyauv camv jienv faaux weic butv-zoih mienh maaiz daaih gapv zunv weic zorc nyaanh, lungb diev tiuv, caux la'nyauv nyei leiz.<sup>2</sup>

California Baengh Fim Zipv Zoux Liangx-ndeic Ndaou Lorz Za'eix Zorc nyei Guanbun se duqv liepc daaih lengc nyei yiem California Budget Act of 2022 (**AB 179**) weic fungx waac-dengv bun Zungx caux Liepc Doz-leiz Jien oix zuqc hnaangv haaix nor liuc leiz taux maiv baengh fim yiem zipv zoux liangx-ndeic ndaou weic bun zuangx lai-hnaangx caux Meiv Guoqv Buonv-deic Fingx longc ei ninh mbuo qiemx zuqc nyei. Lorz Za'eix Zorc nyei Guanbun duqv mbenc naaiv deix waac-dengv yiem domh zuangx horpc fim dongh eix nyei wuic duqv jiu tong caux gauh camv 400 buonc zoux liangx-ndeic mienh, California Meiv Guoqv Buonv-deic Fingx bieiv-zeiv, caux camv-guanbun tong gormx California saengv. Setv mueiz nyei gorngv-zunh se fungx bieqc yiem Ziepc Nyeic Hlaax 2025.

### Naaiv deix waac-dengv se bun benx juqv kang:



Zorqv Meiv Guoqv Buonv-deic Fingx goux longx ndaou caux fungx ndaou nzuonx nyei jauv benx longc jienv nyei sic.



Liepc nyaanh caux tengx nyei za'eix bun zuqc pienx nyei zoux liangx-ndeic mienh caux Meiv Guoqv Buonv-deic Fingx goux longx ndaou mienh maaiz ndaou.



Dingh, zorc, caux tuix gapv zunv zoux liangx-ndeic nyei ndaou.



Siou longx California nyei zoux liangx-ndeic ndaou yaac zorqv baengh fim zipv caux goux longx ndaou benx longc jienv nyei sic.



Zorqv benx longc jienv caux beu jienv taux zipv ndaou weic lauh ndaouv.



Dengv zoux liangx-ndeic yiem mungv.

**Baengh fim yiem zipv zoux liangx-ndeic ndau** se dongh zuqc pienx nyei zoux liangx-ndeic mienh caux Meiv Guoqv Buonv-deic Fingx goux longx ndau mienh duqv maaiz ndau, maaiz duqv jjex, caux siou duqv lauh weic zuangx lai-hnaangx, fei caux suix-ndiangx, ndie-miev, caux ganh nyungc ei guei-jei qiex zuqc nyei, maiv bun maaih laanh, maiv baengh fim, a'fai pienx nyei jauv.

**Zuqc pienx nyei zoux liangx-ndeic mienh caux Meiv Guoqv Buonv-deic Fingx goux longx ndau mienh** se dongh yiem douh zong zuqc laanh jienv taux maaiz caux siou zoux liangx-ndeic ndau bun zoux liangx-ndeic caux Meiv Guoqv Buonv-deic Fingx longc ei guei-jei qiex zuqc nyei.

## Ginv daaih nyei waac-dengv weic tengx gong caux za'eix

Oix mingh duqv taux moux deic bun maaih baengh fim yiem zipv zoux liangx-ndeic nyei ndau, qiex zuqc bun mienh haih siou ndau lauh ndaauv caux maaih jauv-louc tengx bun haih bangc ndeic yungz duqv hmuangv doic lauh ndaauv. Lengc jeiv nyei tengx gong caux za'eix se longc jienv haic weic tengx duqv taux naaiv deix qiex zuqc nyei jauv. Yiem Lorz Za'eix Zorc nyei Guanx zaah samx mangc nyei ziangh hoc, zuqc pienx nyei zoux liangx-ndeic mienh caux Meiv Guoqv Buonv-deic Fingx goux longx ndau mienh mbuo gongv cing nyei taux maaih tengx gong caux za'eix nyei jauv se longc jienv haic weic tengx ninh mbuo haih lorz ndau, maaiz ndau, caux bun ninh mbuo duqv yiem naaiv ndau lauh ndaauv. Lengc jeiv nyei saaiv longc liemh jienv maaiz maaic ndau, leiz-latc, caux zinh nyaanh nyei wuonh zaang; tengx ei jienv zingx leiz zoux; caux dengv mienh lorz jauv-louc yiem buonv-deic longc ndau horpc caux bun lingc longc ndau nyei qiex zuqc.

Yiem ga'ndiev naaiv se benx ginv cuotv daaih nyei waac-dengv dongh maaih moux deic oix jaa koi jangv bun mienh haih duqv zipv tengx gong caux za'eix camv faaux. Weic oix duqv zipv muonc nyei waac-fienx, liemh jienv ganh nyungc tengx nyei waac-dengv caux haih hiuv

duqv toux nzengc taux hnavg haaix nor haih zoux bun maaih baengh fim yiem zipv ndau, tov mangc yiem **gongv muonc caux toux nyei gongv-zunh**.

**1.1.b** Longc dongh Fungx Ndaux Nzuonx Hnavg Ong-taax Yiem Nyei Ziangh Hoc wuov deix Nyaanh weic tengx dongh duqv zipv tengx wuov deix mienh yiem:

- Tiuv gorpc zeic gunv maaiz maaic nyei ndau mingh benx jiu norpc ndau.
- Liuc leiz ndau-sou, ndau-ziouv nyei mbuox, longc wuom nyei lingc, mbenc taux nzipc torngx nyei za'eix, jiu norpc, liemh jienv lengc jeiv dengv taux gapv zunv ndau dongh zinh ndaangc gaatv benx zix ziepc nzong wuov.

**2.1.b** Longc dongh Zorc Ndaux Longx Nzuonx wuov deix Nyaanh weic tengx dongh duqv zipv tengx wuov deix mienh:

- Liuc leiz ndau-sou, ndau-ziouv nyei mbuox, longc wuom nyei lingc, mbenc taux nzipc torngx nyei za'eix, jiu norpc, liemh jienv lengc jeiv dengv taux nzipc torngx nyei zipv ndau.
- Liepc puix duqv horpc nyei za'eix weic zoux gong caux gunv sic, liemh jienv laanh tengx laanh caux domh zuangx weic zipv ndau nyei qong.

**2.7.a** Bun nyaanh dongh tengx gong caux za'eix nyei mienh weic tengx zuqc pienx nyei zoux liangx-ndeic mienh caux Meiv Guoqv Buonv-deic Fingx goux longx ndau mienh zipv taux ga'ndiev naaiv deix saaiv longc:

- Kuix nyei waac caux dorh jienv jauv nyei za'eix taux hngangv haaix nor haih maaiz duqv caux zipv jienv zoux liangx-ndeic nyei ndau.
- Tengx gong caux za'eix, caux leiz-latc nyei jauv weic liuc leiz ndau-sou, ndau-ziouv nyei mbuox, caux longc wuom nyei lingc; ceix mbenc nzipc torngx weic zipv liangx-ndeic ndau caux saeng-eix gorn caux jiu norpc; liuc leiz nzipc torngx zipv ndau la'nyauv nyei jauv, caux zorqv cuotv dongh laanh mienh zipv ndau weic siou liouh ndaauv nyei jauv.
- Saaiv longc dongh tengx ndau-ziouv caux lorz ndau nyei mienh haih buangh.

**2.7.c** Jaa camv faaux dengv nyei jauv bun taux dongh tengx gong caux za'eix nyei mienh weic tengx zuqc pienx nyei zoux liangx-ndeic mienh caux Meiv Guoqv Buonv-deic Fingx goux longx ndau mienh hngangv haaix nor haih zoux duqv gauh longx, gauh toux, caux gauh baengh fim yiem bun nyaanh tengx nyei jauv taux:

- Duqv bun yiem camv-fingx waac, biux mengh maaih hnyouv taaih ginx guei-jei, liemh jienv tengx longc siang-za'eix, caux ei jienv buonv-deic dorngx qiex zuqc nyei.
- Dengv zoux liangx-ndeic nyei gong-mienh, siang-jiex gorn zoux liangx-ndeic mienh, caux Meiv Guoqv Buonv-deic Fingx goux longx ndau mienh, haih hngangv haaix nor jiex gorn koi zoux liangx-ndeic nyei saeng-eix.
- Liemh jienv lengc jeiv nyei wuonh zaang caux tengx nyei jauv yiem laanh tengx laanh nyei guanh dongh zoux liangx-ndeic mienh caux zoux liangx-ndeic nyei gong-mienh gunv taux, dongh maaih buonc juangc jienv maaiz caux goux longx ndau wuov deix.

**4.2.e** Liepc nyaanh weic ceix caux jiu tengx njaaux nyei gorn bun goux longx ndau nyei guanh, hung h jaa nyei gorn, mienh zaah zamx ndau-zinh, mienh bun gaav nyaanh, caux mienh tengx gong caux za'eix nyei yiem:

- Njaaux taux hngangv haaix nor ceix goux longx ndau nyei jaa-sic ga'naaiv dongh haih bun zuqc pienx nyei zoux liangx-ndeic mienh caux Meiv Guoqv Buonv-deic Fingx goux longx ndau mienh duqv longx.
- Dengv taux taaih ginx yiem guei-jei nyei jauv, lengc jeiv nyei weic zoux gong caux California Meiv Guoqv Buonv-deic Fingx.

**5.1.d** Liepc nyaanh weic tengx caux bun gauh camv mienh haih zipv duqv tengx yiem leiz-latc, tengx gong caux za'eix, caux tengx benx mbu'ndongx-mienh bun zuqc pienx nyei zoux liangx-ndeic mienh caux Meiv Guoqv Buonv-deic Fingx goux longx ndau mienh dongh maiv zuqc cuotv zinh a'fai jaax-zinh aiv, liemh jienv liepc ngaengc waac sou, ceix jiu tong horpc nyei jauv caux ca'laangh horpc fim nyei saaiv longc.

**5.3.a** Liepc caux tengx nyaanh taux siang nyei, lauh ndaauv nyei yiem mbu'ndongx-mienh nyei gong-buonc weic zoux liangx-ndeic mienh yiem domh zuangx gorn, maiv zeix gunv leiz-latc nyei gorn, beiv hngangv University of California Cooperative Extension (UCCE) a'fai Goux Longx Ga'naaiv nyei Nquenc.

**5.4.b** Oix zuqc njiec lingc hatc yietc zungv zingx leiz gorn oix zuqc maaih bun tengx gong caux za'eix taux dongh zuqc pienx nyei zoux liangx-ndeic mienh caux Meiv Guoqv Buonv-deic Fingx goux longx ndau mienh haih ei leiz-latc zoux.

## Setv mueiz nyei waac-pox

- 1 California Department of Food and Agriculture. (2020). "2020 Report to the California Legislature on the Farmer Equity Act." Last accessed Feb. 26, 2026 from <https://www.cdfa.ca.gov/farmerresources/pdfs/2020FarmerEquityReport.pdf>
- 2 O'Connor, Teresa. (2024). "What the 2022 Census of Agriculture confirms about California." American Farmland Trust. Last accessed Oct. 2, 2025 from <https://farmland.org/2022-census-of-agriculture-california/>



Gorngv muonc caux toux nyei gorngv-zunh se maaih yiem Meiv Guoqv Waac caux gorngv-zunh nyei nzutv norz waac se maaih yiem camv-fingx waac haih koi mangc yiem naaiv: [bit.ly/ALETF-about](https://bit.ly/ALETF-about)